

‘NA CAPELÉTA IN DUL BÔSCH

Là in d’una gròt in mèzz al bòsch
gh’è ‘na capeléta cun la Madòna.
A düü pàss gurchègia in d’un fòss
‘na meludìa par sta Santa dòna.

Un cancelétt cunsümà par l’età,
‘na banchèta fàia cun ‘na préa,
un tecètt cunt i côpp sfregüià
pièn ‘mè ‘n ròsc da munìna e da créa.

L’han bandunàva al so destìn,
pü nissün và lì a pregà.
Ul santée al s’è impienì da spìnn,
hann desmentegà che Lée l’è là.

G’ha pensà la natüra in Primavéra
cunt i primul al méés d’aprìil,
d’innanz a la capeléta l’è ‘na fiuridüra,
‘n’umagg.... un ségn gentìil.....

Carletto BOSSI